



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De violento. cap. lviii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

D. IOANNIS DAMASCENI

igitur modum cum nos omnes in vitijs volutemur, Propheta vitam humanam aspernans, in hæc verba clamat, Veruntamen vniuersa Vanitas omnis homo viuens.

DE VIOLENTO. CAP. LVIII.

Ecclesi. 4. **1. Pet. 5.** **N**OLI resistere contra faciem potentis: & ne coneris contra ictum fluiuij. Prouidentes, non coacte, sed spontaneè.

Basil. Quod coactum est, ac præter naturam, postquam ad breue quoddam tempus ortum est, idque agre ac per vim statim in ea, ex quibus conflatum est, dilabitur.

Nax. Quod inuite fit, præterquam quod tyrannicum est, ac laudis expers, ne quidem firmum & quicquid ac stabile est. Solet enim quod coactum est, non secus ac planta manibus per vim inflexa si inuite fit, mul atque dimissa est, ad seipsum redire. Contra, quod voluntate animique inductione fit, simul & iustissimum & tutissimum est, utpote benevolentia vinculo retentum & conseruatum.

Volentium ac non inuitorum est pietatis sacramentum.

Quod inuite fit, statim molestiam affert: quod autem sponte, satietatem non admittit, sed semper & gratia & desiderio virefcit.

Minime omnium Christianis concessum est peccantium lapsus per vim corrigere. Nec enim Deus eos, qui necessitate, sed qui voluntate à vitio abstinent, corona donat.

Eusebius. Violentia Deo non adest.

DE BLASPHEMO ET MAGNILOQVO. CAP. LIX.

LEXIT Dominus ad Moysem, Loquere filiis Israël, dicens, Homo qui maledixerit Deo suo, portabit peccatum suum: & qui blasphemauerit nomen Dei, morte morietur: lapidibus opprimet eum omnis multitudo populi.

1. Reg. 2. Nolite multiplicare loqui sublimia, gloriantes.

Iob. 8. Quid ausum est cor tuum, quia in iracundiam erupisti aduersus Dominum? Quousque loquetur cor loquax oris tui?

Psal. 11. Disperdat Dominus vniuersa labia dolosa, & linguam magniloquam. Qui dixerunt, Linguam nostram magnificabimus: labia nostra à nobis sunt, quis noster Dominus est?

Osee. 14. Delebitur Samaria, quia contradixit Deo suo. in gladio ipsi peribunt, & paruuli eorum solo allidentur.

Hier. 24. Inebriate eum: quoniam contra Dominum erectus est.

Esa. 28. Hæc dicit Dominus: Eò quòd eleuatum est cor tuum vt cor Dei, idcirco ecce ego adducam super te alienos robustissimos Gentium: & nudabunt gladios suos super pulchritudinem sapientia tua, & polluent decorem tuum.

Sap. 1. Benignus est spiritus sapientia, & non absoluet blasphemum à labiis suis.

Ecclesi. 27. Qui mittit lapidem in altum, in caput suum mittit.

Mat. 12. Omne peccatum remittetur hominibus: ei autem qui in Spiritum sanctum blasphemauerit, non remittetur, neque in hoc seculo, neque in futuro.

Basil. Qui peccat, legem quidem violat: at qui blasphemat, aduersus ipsum diuinum numen impietatem admittit.

Chryf. Eos, qui in vrbe blasphemant, castiga. Quòd si quem in biuio, aut in foro, audieris, obiurga. Quòd si etiã plagas incutere oporteat, ne id facere dubites. Colaphum in ipsius faciem impinge: os eius contere. Manui tue per huiusmodi plagam sanctitatem concilia. Si propterea quidam te accusant, atque in iudicium trahunt, sequere.

simile. Quemadmodum qui saxum in altum iaculatur, corpus quidem cæli scindere, atque ad eam